

【國家社會科學基金重大項目（11&ZD119）】

中國人民大學佛教與宗教學理論研究所

何建明

主編

中國地方志
佛道教文獻匯纂

寺觀卷

（92）



國家圖書館出版社

中國地方志佛道教文獻匯纂·寺觀卷
江蘇省 蘇州市

蘇州府志

《古今圖書集成》本

蘇州府志

瑞光寺塔

瑞光寺在盤門內開元寺南吳赤烏四年孫權爲報母建舍利塔十三級僧性康居之名普濟禪院唐天福二年僧智明琮遠重修寶塔宋元豐二年神宗命漕使李復圭延圓炤宗本禪僧說法時有白龜聽講法鼓自鳴翠竹合歡寶塔放光故堂名四瑞崇寧四年奉勅修塔塔放五色光賜名天寧萬年寶塔宣和間朱勔捐資併建寶塔七級天啓三年僧圓淨創七

佛閣於四瑞堂舊址甫立柱天眼放光巡按御史王
珙題天眼閣自後塔光屢見舍利塔凡燃燈之夜太
湖漁人網捕無所獲湖與塔相去三十里

稚兒塔

壽聖教寺在九都綵雲里半塘中有稚兒塔晉道生
誦法華經童子死葬此義熙十一年商人謝本夜聞
誦經聲旦見墳生青蓮花事聞詔建塔名法華院宋
治平間賜今額

報恩講寺塔

報恩講寺在府城北隅梁僧正慧造浮圖於寺中凡十一成尋墮劫灰宋元豐間重建蘇文忠軾舍銅龜藏舍利以成建炎四年羅兵燹寺塔俱燼紹興間行者金大圓再剏止九成弘治十二年知縣鄺璠命僧德昊修塔隆慶間寺塔又燼僧性月募修萬曆十年遊僧如金來任其事凡九年塔成

聖壽禪院塔

聖壽禪院在吳江縣西北隅延壽坊內隆慶元年建藏經閣閣前有鐵塔七級高五丈有鐵角端爲香爐

萬曆四年重修崇禎初僧悟林明法相繼修建今爲
祝釐之所

靈巖寺塔

塔在靈巖山靈巖寺梁天監二年剎感智積菩薩之
異稱智積道場宋太平興國二年藩臣孫承祐爲姊
錢王妃資冥建輒塔九成明萬曆庚子五月雷雨大
作火起塔中凡木皆燬而輒覽歸然獨存僧智舍於
爐中得一木篋中有佛牙長三寸今供寺中

凌霄塔

華藏寺在馬鞍山頂後有凌霄塔梁天監中僧慧向
勸建明嘉靖末僧曙嚴行人方圓靜相繼募修舊止
五級至是增級爲六萬曆三十二年僧淨心重修益
增級而七後漸圯

寶嚴寺塔

寶嚴寺在虞山西麓梁天監間建內有浮圖七級極
莊嚴相傳泗州僧伽塔第一此爲第二

法華塔

法華塔院在嘉定縣城登龍橋南宋開禧中建元至

大元年僧道堅重修形家以此塔爲縣之文筆學之
元武俗名金沙塔明萬曆三十六年知縣陳某重建
廣安教寺塔

廣安教寺在太倉州北鄉二十九都直塘市宋紹興
六年僧了悟建塔鑿地得甎有長安三年瞿像寶塔
字乃知唐武后時嘗建塔於此明永樂四年僧拱辰
重建

中國地方志佛道教文獻匯纂·寺觀卷

江蘇省 蘇州市

蘇州府志

《古今圖書集成》本

蘇州府志

清真觀

觀在城西北隅會仙橋東卽朱放生池也乾道七年道士瞿守真自天台來止此遂募緣鳩工勸立真武殿又適得民家樟木一段鋸出儼具聖像披髮握劍遂裝繪供奉淳熙元年勅賜清真觀扁額嘉定四年知觀馬拱辰建昊天閣元大德壬寅燬延祐中主觀錢益謙重建明洪武二十四年清理道教爲正一叢林永樂二年圯六年道士張宗源重建又於放生池

東建玉皇閣後圯宣德七年主觀徐善淵重建嘉靖
二十年燬惟高真殿獨存邑紳方鳳等復助建玉皇
殿萬曆辛亥道士黃應魁等重修內有竹洲館爲一
觀之勝正德中楊煉師重建

中國地方志佛道教文獻匯纂·寺觀卷

江蘇省 蘇州市

蘇州府志

清·雅爾哈善等修 習窩等纂

清乾隆十三年（一七四八）刻本

蘇州府志卷第二十四

寺觀一

浮屠老子之宮志興建之緣起及因革之有繫於其時者而其徒之所自爲則畧焉鉅公高人游跡之遺閒存題咏碑記繁複多從闕如好古者涉其地可考而知也

吳縣

報恩講寺在府城北陞俗稱北寺

圖經續記云在長洲縣西北二里半盧志在今吳縣治東

半居長洲縣界

古爲通元寺吳赤烏中孫權母吳夫人捨宅建

或云權爲

乳母陳氏建

晉建興二年滬瀆漁者見神光照水徹天旦觀之乃

二石像浮水上或曰水神也以三牲巫祝迎之像泛流而去

吳人率僧尼輩迎於海濱置通元寺光明七晝夜不絕號其殿曰二尊八年漁者於滬瀆沙上獲帝青石鉢初以爲日類輩而用之俄佛像見於外知其爲二像之遺祥也乃以供佛唐武后遣使致珊瑚鑑一鉢一供像前開元中詔天下置開元寺寺改名開元金書額以賜寺中有金銅元宗聖容又有陸柬之書碑大順二年爲淮西賊孫儒焚毀後唐同光三年錢鏐更建開元寺於吳縣西南三里半

范志開元寺在吳縣西南卽錢氏所建寺

有晉時浮海來二石佛及鉢兵燹後二像猶存鉢亦爲一僧藏弄得脫今寺中世寶之按圖經續記云今開元寺有瑞像閣乃別加塑飾其帝青石鉢猶存范志蓋傳之訛也周顯德中錢氏於故開元寺基建

寺移支礪山報恩寺額於此宋崇寧中加號萬歲尊以僧佛

日嵒來寺住持演華嚴疏救爲賢首教寺建炎四年罹兵燹
舊有塔十一成元豐時經火復新蘇軾捨銅龜以藏舍利至
是再燬紹興閒行者大圓重建僅九成元至元二十九年重
建寺至順初僧傳教募長生田黃潛記自明迄今屢閱廢興猶
爲郡中塔寺之冠

本朝康熙閒修

汪琬記

寺舊有子院曰文殊曰法華曰泗州曰水

陸曰普賢後皆廢釋迦佛涅槃像昉於唐

范志云寺有臥佛寺北人多呼臥佛寺

宋淳祐中傑閣覆之元末張氏更臥像爲立像明初復舊

宋濂

記不染塵觀音殿像高數丈紹興復塑徒存其名今仍之

梁簡

文帝吳郡石像銘蓋聞軒后之圖載浮河洛秦王之壁更湧
滄溟昭覃之洲乘清源而西泛蓬萊之岫遂安流而南徙况